



Broj: 04-11-3-6599-1/2023
Hadžići, 06.07.2023. godine

Na osnovu člana 5. Pravilnika o utvrđivanju uslova, kriterija i postupaka za ostvarivanje prava na subvencioniranje i dodjelu plastenika u sklopu realizacije projekta „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plasticima“ i na osnovu Sporazuma zaključenog između Općine Hadžići i humanitarne organizacije „MUSLIM AID“ Sarajevo kojim su osigurana sredstva 80% i vlastitog učešća korisnika 20% u cilju osnaživanja korisnika na području Općine Hadžići, broj: 04-11-3-11770/2022 od 23.12.2022. godine, Općina Hadžići raspisuje:

**JAVNI POZIV
za predaju zahtjeva za dodjelu plastenika od 100 m²
sa dodatnom opremom putem sufinansiranja**

Općina Hadžići u saradnji sa nevladinom organizacijom Muslim Aid Association raspisuje Javni poziv za podnošenje zahtjeva za dodjelu 20 plastenika od 100m² sa sadnim/sjemenskim materijalom, sistemom za navodnjavanje i dodatnom opremom. Sredstva za realizaciju projekta osigurana su od strane nevladine organizacije Muslim Aid Association 40%, Općine Hadžići 40% i vlastitog učešća korisnika 20% od ukupne cijene plastenika i opreme.

I PRAVO UČEŠĆA

Pravo na učešće u Projektu za dodjelu plastenika od 100 m² sa dodatnom opremom imaju fizička lica sa prebivalištem na području općine Hadžići, koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup, a za koje je poželjno da se nalazi u neposrednoj blizini stambenog objekta u kojem stanuju.

Pravo na dodjelu plastenika nemaju lica koja su u dobila donaciju plastenika od Općine, nadležnih ministarstava, humanitarnih i drugih organizacija u zadnje tri godine. Pravo učešća nemaju članovi porodice (po pravoj liniji) zaposlenika Muslim Aid Association i Općine Hadžići.

II USLOVI ZA DODJELU PLASTENIKA

Podnosilac zahtjeva treba da ispunjava sljedeće uslove:

1. Da podnosilac zahtjeva ima prebivalište na području općine Hadžići.
2. Da je nosilac ili član poljoprivrednog gazdinstva upisan u Registar poljoprivrednih gazdinstava i Registar klijenata FBiH ili izjavi da će u 2023. godini izvršiti upis u Registre.

3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju u mjestu prebivališta, a za koje je poželjno da se nalazi u neposrednoj blizini stambenog objekta u kojem stanuje.
4. Da sufinansira 20 % od nabavne cijene plastenika sa pratećom opremom (oko 630,00 KM za plastenike od 100 m²), i da obavezno prisustvuje edukaciji iz oblasti plasteničke proizvodnje u trajanju od dva dana.
5. Da obavezno prisustvuje edukaciji iz oblasti plasteničke proizvodnje.
6. Da će dobiveni platenik zadržati u vlasništvu najmanje 3 godine od potpisivanja Ugovora.

Putem Službe za privredu, finansije i inspekcijski nadzor će Općinski načelnik imenovati Komisiju za dodjelu plastenika koja će biti zadužena za provođenje aktivnosti vezanih za realizaciju Projekta. Komisiju za odabir krajnjih korisnika za dodjelu plastenika sa pratećom opremom čine: predstavnik organizacije Muslim Aid Association i dva predstavnika Općine.

III KRITERIJI ZA DODJELU PLASTENIKA

a) pogodnost zemljišta za plasteničku proizvodnju:

(utvrđuje Komisija za dodjelu plastenika na licu mjesta)

- da je površina zemljišta gdje će se postaviti platenik ravna ili veoma blagog nagiba;
- da dimenzije zemljišne parcele odgovaraju veličini plastenika;
- da je lokacija za platenik u neposrednoj blizini stambenog objekata;
- da je lokacija za platenik u neposrednoj blizini vodosnabdijevanja.

b) dodatni bodovi po osnovu pripadnosti kategoriji:

- ✓ podnosilac zahtjeva nezaposlen (vrijeme provedeno na birou za zapošljavanje);
- ✓ za svakog izdržavanog člana domaćinstva;
- ✓ osobe životne starosti do 40 godina;
- ✓ podnosilac zahtjeva samohrani roditelj;
- ✓ socijalni aspekt (primanja po članu domaćinstva);
- ✓ podnosilac zahtjeva ili uži član domaćinstva (dijete ili bračni drug) osoba sa invaliditetom (prilikom bodovanja status RVI se ne uzima u razmatranje);

c) broj članova zajedničkog domaćinstva,

d) Socijalni aspekt (stanje na terenu, imovno stanje, opći dojam i slično) - (utvrđuje Komisija za dodjelu plastenika izlaskom na teren).

Kada kandidati pri bodovanju imaju isti broj bodova, prednost će imati kandidati koji imaju manji prosjek primanja, osobe mlađe od 35 godina, višečlane porodice i porodice sa većim brojem nezaposlenih u porodici.

IV POTREBNA DOKUMENTACIJA

Uz zahtjev za dodjelu plastenika potrebno je priložiti dokaze o ispunjavanju uslova iz Javnog poziva i druge dokaze u originalu ili ovjerenoj kopiji dokumenata, koji ne mogu biti stariji od 6 mjeseci i to:

1. **Obrazac za prijavu na Javni poziv za dodjelu plastenika;**
2. **CIPS prijavnica podnosioca zahtjeva – original ili ovjerena kopija;**
3. Ovjerena kopija lične karte;
4. Ovjerena kućna lista;
5. **Ako podnosilac zahtjeva nije upisan u Registar poljoprivrednih gazdinstava i Registar klijenata FBiH (RPG i RK), potrebno je dati Izjavu da će ako ostvari pravo na dodjelu plastenika u toku 2023. godine izvršiti upis u Registre.**
6. Dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik;
7. Dokaz o nezaposlenosti svih punoljetnih članova porodice izdat od Biroa za zapošljavanje;
8. Potvrde iz škole/fakulteta za djecu/izdržavane članove domaćinstva;
9. Potvrda o visini primanja (za zaposlene članove domaćinstva -Uvjerjenje od poslodavca, za penzionere ček od penzije);
10. **Potvrda o vlasništvu ili posjedu nad parcelom (kopija ZK izvatka ili Posjedovnog lista) kao i Ugovora o zakupu;**
11. **Ovjerena izjava da će korisnik poticaja dobiveni plastenik zadržati u vlasništvu najmanje 3 godine od potpisivanja Ugovora, da će sufinansirati 20% od nabavne cijene plastenika sa pratećom opremom, te da će obavezno prisustvovati edukaciji iz oblasti plasteničke proizvodnje,**
12. Dokaz da je podnosilac zahtjeva ili uži član domaćinstva (dijete ili bračni drug) osoba sa invaliditetom (prilikom bodovanja status RVI se ne uzima u razmatranje),
13. Dokaz da je samohrani roditelj (Smrtni list supružnika).

Dokumentacija pod rednim brojevima 1., 2., 5., 10., i 11. je obavezna, ostala dokumentacija služi u svrhu dodatnog bodovanja.

V PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava na subvencioniranje i dodjelu plastenika i opreme u sklopu realizacije projekta “Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima”, koju imenuje Općinski načelnik.

NAPOMENA:

Obrasci zahtjeva se mogu podići na info-pultu Općine Hadžići i zajedno sa dokumentacijom predaje u zatvorenoj koverti na protokol Općine Hadžići sa naznakom „Za javni poziv za dodjelu plastenika“. Sve dodatne informacije mogu se dobiti u Službi za privredu, finansije i inspeksijski nadzor soba broj 204.

Javni poziv ostaje otvoren 15 dana od dana objavljivanja, odnosno do ponedjeljka 24.07.2023. godine do 16,00 sati.

Nepotpune i neblagovremene prijave se neće uzeti u razmatranje.

Dostavljeno:

1. Kabinet načelnika - web stranica: www.hadzici.ba;
2. Muslim Aid Association;
3. Oglasna ploča Općine Hadžići;
4. Sekretari MZ x 3;
5. Arhiva.

